

21. *Peccatum actuale* est omne factum, dictum vel concupitum contra legem Dei, Augustinus: vel peccatum actuale significat fructus vitiosæ naturæ, interiores & exteriores, id est, affectus, cogitata, dicta, facta contra legem Dei.
22. Omne quod non est ex fide, peccatum est.
23. *Peccatum actuale aliud* est regnans (mortale vulgò vocant) aliud non regnans: vulgò veniale.
24. *Regnans* est in quo regnat caro: ac proinde excutitur fides & gratia Sp. sancti.
25. *Non regnans*, in quo caro tandem domatur ac vincitur à Spiritu: ac proinde ex Dei gratia propter Christum venia illi datur, nec excutit fidem aut Spiritus sancti gratiã.
26. Insigne est *peccatum in Spiritum Sanctũ*, quod etiam dicitur peccatum ad mortem; quod est agnitæ & in conscientia approbatæ veritatis Evangelicæ, destinato cõsilio facta libera abnegatio, cum pertinaci impugnatione, & blasphemia conjuncta.
27. Proinde dicitur irremissibile.

DISPUTATIO XI.

DE LEGE DEI.

THESIS I.

Peccatum nõ potest intelligi nisi ex lege.
 Et lex debet præcedere Evangelium, tum
 in or-